



UNIVERSITÄTS-
BIBLIOTHEK
PADERBORN

Universitätsbibliothek Paderborn

Anthologia Sacra

Ex Probatissimis Vtrivsqve Linguæ patribus collecta, atque Octastichis
versibus comprehensa

Billy, Jacques de
Parisiis, M.D.LXXV.

De vi humilitatis. 106.

[urn:nbn:de:hbz:466:1-50828](https://nbn-resolving.org/urn:nbn:de:hbz:466:1-50828)

Deum, sed illic in malis constitutus conteritur, vt cum infidelibus, quasi cum paleis foras proiiciatur. Atque in eandem sententiam Augustinus de hoc extremo hominum genere verba faciens, eos in hac esse conditione scribit, vt vix vnquam sanari possint. Cùm amatores inquit, seculi huius intueor, nescio quando possit esse ad eorum animos sanandos opportuna sapientia. Quando enim res velut prosperas habent, fastu respuunt salubres monitus, & quasi anilem reputant cantilenam. Quando autem in aduersis agunt, magis cogitant euadere vnde ad presens anguntur, quàm capere vnde curentur, & vnde perueniant, vbi angere omnino non possint.

*Epi. 82.
ad Larg.*

De vi humilitatis.

O Deus, ô quantis vita est humana periculis
 Subdita! quis tali vitet ab hoste necem?
 Quoquo oculos vertam ipse meos, discrimina mille,
 Tensa anima cerno retia mille meae.
 Sive cibos capiam, seu dem mea membra sopori,
 Seu quid agam, laqueos subdolos hostis habet.
 O Deus, ô qui suam fugiet tot retia? Vano
 Mens ea qua fastu libera semper erit.

SCHOLIA.

O Deus ô quantis) Memorie pro-
 ditum est olim Diuo Antonio *Marul.*
 huiusmodi quoddam visum cõ- *lib. 1. E-*
 tigiſſe, nempe vt repente aërem *uang.*
 totum retibus vndique plenum *cap 3.*
 inspiceret. Cùmque eo viſo per-
 terrefactus in hæc verba excla-
 masset, Heu quis tot retia vitare
 queat! diuinitus responſum est,
 Humilitas. Eodémque pertinet
 quod Augustinus ſcribit: Vnde *Tract.*
 abundat iniquitas? Per ſuperbiã. *25. in*
 Cura ſuperbiam: & nulla erit ini- *Ioann.*
 quitas. Atq; elegantẽ ſimilitudi-
 nem affert de iis morbis, in qui-

*De inst.
cænob.
lib. 12.
cap. 3.*

Epist. 56.

bus humor peccans non purgatur, ut in visceribus, quorum fe-
uor tantum sedatur ad tempus,
quia causa non tollitur. Quod e-
tiam facit quod ait Cassianus, su-
perbiæ malum tanquam gene-
ralem quendam ac pestiferum
morbum, non vnum membrorum
partemve eius tantum debilitare
solere, sed solidum corpus letali
exitio corrumpere. Ac proinde
merito Augustinus in epistola
quadam his verbis utitur. Nullam
aliam tibi ad capeendam & ob-
tinendam veritatem viam munias,
quam quam munita est ab illo, qui
gressuum nostrorum, tanquam
Deus, videt infirmitatem. Ea est
autem prima humilitas, secunda
humilitas, tertia humilitas. Qui-
busquidem verbis ad illud Demo-
sthenis alludere videtur, qui, cum
ex ipso quesitum esset, quid in to-

ta oratoria arte præstantissimum esse censeret, Actio inquit. Rogatusq; quid deinde, idem iterum, ac tertio respõdit: hinc videlicet illud indicans, nihil in vniuersa docendi arte esse, quod cum eiusmodi parte comparandum esset. Est autem apud Cassianum pulcherrima antithesis superbię diaboli, & humilitatis Christi, quã ab eo mutuatus fuisse videtur Gregorius libr. moral. 34. cap. vlt.

Bonorum huiusce vitæ sollicitudinem impedimento nobis esse, quominus ad cælum tendamus.

107.

*P*romissa est nobis tellus amplissima, dulci
Lacte fluens, ad quam nos tuba dia vocat.
At nos, qua nostra est dementia maxima, cœli
Deliciis terræ pluris habemus opes.
Sic olim Rubeni male-sana mente nepotes,